



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06 i 4/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj: 13/19), a na zahtjev Kazneno-popravnog zavoda zatvorenog tipa Zenica, Agencija za državnu službu Federacije Bosne i Hercegovine, objavljuje

**JAVNI KONKURS**  
**za popunu radnih mjesta državnih službenika**  
**u Kazneno-popravnom zavodu zatvorenog tipa Zenica**

**Radna mjesta:**

**Odsjek za realizaciju odgoja - tretmana, Sektor za poslove odgoja - tretmana**  
**01. Stručni savjetnik - odgajatelj - 1 (jedan) izvršilac**

**Odsjek za primarnu zdravstvenu zaštitu, Sektor za poslove zdravstvene zaštite**  
**02. Stomatolog - 1 (jedan) izvršilac**

**Odsjek za opće, radiološke i laboratorijske poslove, Sektor za poslove zdravstvene zaštite**  
**03. Stručni saradnik za zdravstvenu zaštitu - 1 (jedan) izvršilac**

**01. Opis poslova:** programira i planira poslove i aktivnosti na izvršavanju programa odgoja - tretmana u kolektivima u kojima izdržavaju kaznu zatvora osuđene osobe, izrada akata u postupku pomilovanja, uslovnog otpusta, prekida izdržavanja kazne zatvora, premještaja i u drugim postupcima po zahtjevu osuđene osobe ili nadležnog organa, učestvuje u radu stručnog tima, analizira, proučava i realizuje program tretmana, daje prijedloge za korištenje pogodnosti i prava, premještaj u stimulatивно-klasifikacione grupe, rukovodi mikro-timovima, prati rad osuđenih osoba na radnim mjestima i njihovo ponašanje u toku izdržavanja kazne i unosi odgovarajuće podatke u lični list osuđene osobe, utvrđuje činjenice, pribavlja dokaze i predlaže postupak disciplinske odgovornosti za učinjene disciplinske prekršaje osuđenih osoba i postupak po molbenom raportu, ostvaruje potrebne saradnje i kontakte sa porodicama osuđenih, prikuplja podatke iz života i rada osuđenih osoba, priprema i poziva osuđene osobe na razgovor, vrši i druge poslove određene zakonom, podzakonskim propisima, aktima Zavoda i po nalogu neposrednog rukovodioca

**Pripadajuća osnovna neto plaća: 1.767,32 KM**

**02. Opis poslova:** programira i planira poslove i aktivnosti zdravstvene zaštite usta i zuba osuđenih/pritvorenih osoba, promovira i prevenira zdravlje usta i zuba u osuđeničkoj/pritvoreničkoj populaciji, pregled usta i zuba osuđenih/pritvorenih osoba, učestvuje u radu stručnog tima, analizira, proučava i realizuje program tretmana, vrši ekstrakciju i liječenje zuba osuđenih/pritvorenih osoba, obavlja usluge iz drugih oblasti specijalističkih stomatoloških djelatnosti u skladu sa mogućnostima, vrši i druge poslove određene zakonom, podzakonskim propisima, aktima Zavoda i po nalogu neposrednog rukovodioca.

### **Pripadajuća osnovna neto plaća: 1.767,32 KM**

**03. Opis poslova:** statističko praćenje zastupljenih oboljenja, tj. sprječavanje i suzbijanje zaraznih hroničnih bolesti u osuđeničkoj/pritvoreničkoj populaciji, stručno-konsultativna saradnja sa zavodima za bolesti ovisnosti u Federaciji BiH, saradnja sa drugim organizacionim jedinicama, radi sa osuđenim osobama kojima je izrečena obavezna mjera liječenja, promocija i unapređenje zdravlja okoline, vrši i druge poslove određene zakonom, podzakonskim propisima, aktima Zavoda i po nalogu neposrednog rukovodioca.

### **Pripadajuća osnovna neto plaća: 1.594,00 KM**

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u Javnom konkursu, kandidati moraju ispunjavati i posebne uvjete i to:

#### Radno mjesto 01:

- VSS - VII stepen stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja - diploma visokog obrazovanja pravne ili upravne struke, filozofski fakultet ili drugi fakultet društvenog smjera,
- položen stručni odgajateljski ispit (kandidati su dužni da u rubrici „Ispit profesionalne nadogradnje/usavršavanja“ u dijelu koji se odnosi na „Posebne ispite tražene javnim konkursom“, navedu broj i datum uvjerenja o položenom stručnom odgajateljskom ispitu),
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru.

#### Radno mjesto 02:

- VSS - VII stepen stručne spreme, odnosno visoko obrazovanje prvog i drugog ciklusa Bolonjskog sistema studiranja - diploma visokog obrazovanja, stomatološki fakultet,
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja,
- položen ispit za zdravstvene radnike (kandidati su dužni da u rubrici „Ispit profesionalne nadogradnje/usavršavanja“ u dijelu koji se odnosi na „Posebne ispite tražene javnim konkursom“, navedu broj i datum uvjerenja o položenom ispitu za zdravstvene radnike),
- poznavanje rada na računaru.

#### Radno mjesto 03:

- VSS - VII stepen stručne spreme, odnosno visoko obrazovanje prvog ili drugog ciklusa Bolonjskog sistema studiranja - diploma visokog obrazovanja, zdravstveni fakultet,
- najmanje 1 (jedna) godina radnog staža u struci nakon sticanja visoke stručne spreme, odnosno visokog obrazovanja,
- položen ispit za zdravstvene radnike (kandidati su dužni da u rubrici „Ispit profesionalne nadogradnje/usavršavanja“ u dijelu koji se odnosi na „Posebne ispite tražene javnim konkursom“, navedu broj i datum uvjerenja o položenom ispitu za zdravstvene radnike),
- poznavanje rada na računaru.

#### Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Zeničko-dobojski i Srednjobosanski kanton ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Odjeljenja Agencije za Zeničko-dobojski i Srednjobosanski kanton ili na web stranici Agencije [www.adsfbih.gov.ba](http://www.adsfbih.gov.ba)). **Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.**
3. Kandidati za radno mjesto stručnog saradnika (pozicija 03.) koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
  - a) fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06. 04. 1992. godine),

- b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
- c) dokaz o položenom stručnom ispitu za namještenike u organima državne službe.

#### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritetno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Zeničko-dobojski i Srednjobosanski kanton  
Kučukovići br. 2, 72000 Zenica  
sa naznakom:**

**“Javni konkurs za popunu radnih mjesta državnih službenika u Kazneno-  
popravnom zavodu zatvorenog tipa Zenica, sa pozivom na broj: 08-30-8-53/20“**

**D I R E K T O R**

**Refik Begić, magistar uprave**